

չեր և հողմայոյդ էր, և տակաւին մեղմարար անձրեւիցէր, յանձնեալ զիս Աստուծոյ և Սրբոց խնամակալուաց իմոց, մանաւանդ հրեշտակիս պահապանի և Սրբոյն Կայէթանոսի, աշխարհականաւ զգիտու, հետեակ, ցուպ ի ձեռին ելի ի վանացն, ունելով առ իս զ'14 զլոթիս Լեհաց, որպէս ասացի: Յառաջագնացութեամբ սպասաւորիս զիմեցի դէպ ի կախաղան քաղաքին, ուստի համարէի աշողակի անցանել. զննելով դաւազանաւ զուղին՝ ի փոխերն զքայլս՝ վասն մթանն և տղմոյն: Եւ հասեալ ի ջազացն՝ որ առ ստորոտով լճին Պուղտանուվքայի, լուայ զձայն Սվէտաց ի նմին և երկեայ. այլ և շունն ի դրաց սկսաւ հաջել: Աստ սասանումն և ահ մեծ, զուցէ յազգմանէ շանն արաւ ելեալք՝ գրանութիւն ինչ առնիցէին ընդ մեզ. որ և յերկիւղէ անտի դուռն ծնկաց և բոլորի մամնոյս կալաւ զիս, մինչ գրեթէ յոտին կալ ոչ զօրիցէի. սակայն սրտապնդեցեալ յուսովն Աստուծոյ և Սրբոց խնամակալուացս, զորս շերմապէս վերակարգայի, փութացայ յառաջել և անդր: Իբրեւ հասի ի խրամ լճին վերասացելոյ, ուր գերան մի փոխանակ կամրջի ձգեցեալ էր, և կամէի ընդ այն անցանել, զի չէր յայլուստ հնար, յանկարծ լարծեցեալ ոտս՝ անկայ ի վերուստ ի խորն տղմալի ձախակողման. որ եթէ գահավիժեցեալ իցէի յաջակողմն կամրջին ի խորխորասն որ ստորեւ կայր, արգարեւ կամ բեկում անդամոց կամ մահ իցէր հետեւելոց: Արտաքարչեցեալ անտուտ ի սպասաւորէն, գնացաք ընդ ուղիս շաղախուստ՝ ցանկամիջոց Պուղտանուվքային. մերթ անցանելով աստ և անդ ընդ խրամս պարտիզաց և ծառատնկոց, զի խտտորիցէաք ի ճանապարհէն հասարակէ, զուցէ պատահիցիր որ ի թշնամեաց. ոչ սակայն կարէաք ի Սվէտաց խուսել, որք գրեթէ յամենեսեան խուզս կողմանցն, որպէս և ընդ բոլոր արտաքաղաքն շուրջանակի լիք էին: Եւ իբրեւ հասինք ի գերեզմանատունն Հրէից, զի ընդ այն անցանելոց էաք, արտաքս ի խըղէ իմեմնէ վազեալ Սվէտ ոմն, խրոխտականաւ ձայնիւ՝ ոչ զիտեմ զինչ բարբանջելով՝ տարաբերիւր անդաստական. որոյ յերկիւղէն՝ ի տեղուջն ուր կայաք՝ ի մէջ մացառացն խտից կըկզեալք գաղեցաք: Իբրեւ երիցս կամ չորիցս գնոյն բարբառ կրկնեալ՝ եմուտ վերըստին ի խուզն, անդէն յորդեցան ձայնք աղմկաց խառնիճաղանձք. և գիտացի բանակառուիլ նոցա ընդ իրեարս. ապա յարուցեալ զիմեցի դէպ առ ուղին արքունի՝ որ ընդ կախաղանան, որ գերծ ի բնակութեանց է. և անտի խուսեալ դոյն ինչ գառ ի վեր և դարձեալ գառ ի վայր, ընդ պարտիզօքն՝ որք ի կողմանս վանաց Սրբոյն Գէորդեայ և Մարիամոյ Մակաղենացոյն, ընդ մացառուստ և ելեւէջս դժուարինս և մարգս և ճախինս որք ի նոսա, յորս բաղմիցս անկանելով, և օգնութեամբ սպասաւորին կանգնելով, հասի ի տափարակն անշէն. ուր և լուսաշաղեցաւ այգն: Աստէն գտեղի առեալ՝ գոհացայ մեծապէս զԱստուծոյ՝ ընդ փրկելն զմեզ յայնքանեաց վտանգից զիչերոյն և թշնամեաց, ընդ որոց միջի անցոյց անվնաս: Եւ ի խոկալս թէ յոր կողմն զիմիցէի անբոյթագոյն, թէ և ի մտի եզեալ իցէի գնալ ի Սթանիսլաւով, շրջակն ածեալ՝ տեսի զխորց իմն ընդարձակ ի հանդիպօջն արեւե-